

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը՝ ԳԲՔԱ-ԼՕ-2021/40

Բողոքի ներկայացման ամսաթիվը՝ 17.05.2021թ.

Շտկված բողոքի ամսաթիվը՝ 21.05.2021թ.

Բողոք բերող անձ՝ «Կատյա Նազարեթյան» Ա/Ձ

Պատվիրատու՝ «Երքաղլույս» ՓԲԸ

Գնման ընթացակարգի ծածկագիրը՝ «ԵՔԼ-ԳՀԱՊՁԲ-21/15» գնանշման հարցում

Գնման առարկան՝ լուսատեխնիկական ապրանքների ձեռքբերում

Բողոքի պահանջը՝ պարտավորեցնել պատվիրատուին ԵՔԼ-ԳՀԱՊՁԲ-21/15 ծածկագրով գնման ընթացակարգի հրավերով ապրանքների ձեռքբերման համար սահմանված տեխնիկական բնութագրերում կատարել փոփոխություններ՝ մեծացնել 800 Վտ լուսարձակի քաշը և արտաքին չափերը, արտաքին տեսքի ձևը, մասնավորապես կլորավուն լինելու հիմնավորում և մատրիցաների ու լուսադիոտների քանակական սահմանափակումների վերացում:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ

որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքները քննող անձ՝ Լևոն Օհանյանին

Դիմող՝ «Կատյա Նազարեթյան» Ա/Ձ-ից
ՀՀ ք. Երևան Վաղարշյան Փ/ Շ/18Ա /17 Արաբկիր
ՀՎՀՀ 57271907, պետ. գրանցման համարը. 29.05886
Էլ-փոստ - roy5842@gmail.com

Պատվիրատու՝ <Երքաղլույս> ՓԲԸ
ք. Երևան, Բուզանդի 1/4

Գնման ընթացակարգի ծածկագիրը և առարկան՝
Լուսատեխնիկական ապրանքների ձեռքբերման
ԵՔԼ-ԳՀԱՊՁԲ-21/15 ծածկագրով գնման
Ընթացակարգ /2 չափաբաժին
ԳՄԱ կոդը 31512360 /

Շտրկված

ԲՈՂՈՔ

17.05.2021 թվականին ԵՔԼ-ԳՀԱՊՁԲ-21/15 ծածկագրով գնման ընթացակարգի տեխնիկական բնութագրերի վերաբերյալ բողոքը վերադարձվել է 19.05.2021 թվականին: Արձանագրված թերությունները շտկելու համար սահմանվել է ժամկետ՝ երկու աշխատաքային օր:

Ձեզ ենք ներկայացնում բողոքի շտկված տարբերակը:

Հակիրճ նկարագիր

12.05.2021թվականին <Երքաղլույս> ՓԲԸ-ի կարիքների համար լուսատեխնիկական ապրանքների /2 չափաբաժին/ մատակարարման ԵՔԼ-ԳՀԱՊՁԲ-21/15 ծածկագրով գնման ընթացակարգի հայտարարությունն և հրավերը հրապարակվել է Gnumner.am կայքում:

Մասնավորապես գնման ընթացակարգի շրջանակներում 1-ին /Լուսարձակ LED 800 վատտ հեռահար լույսով/ և 2-րդ /Լուսարձակ LED 400 վատտ հեռահար լույսով/ չափաբաժինների ձեռքբերման համար տեխնիկական բնութագրերով սահմանված է ինչպես 800 Վտ, այնպես էլ 400 Վտ լուսարձակների առավելագույն քաշը 10 կգ: Բնութագրերով սահմանված է 800 Վտ լուսարձակի համար իրանի առավելագույն

երկարությունը 530մմ, առավելագույն լայնությունը 530 մմ, առավելագույն բարձրությունը 530մմ, իսկ 400 Վտ լուսարձակի համար իրանի առավելագույն երկարությունը 400մմ, առավելագույն լայնությունը 400 մմ, առավելագույն բարձրությունը 400մմ արտաքին տեսքը՝ կլորավուն, ինչպես նաև սահմանված է, որ համապատասխանաբար օպտիկական բլոկը պետք է բաղկացած լինի մեկ մատրիցայից, որը հավաքված է առնվազն 600 հատ լուսադիոդներից, գունային ջերմաստիճանը 6500 Կելվին, ոչ պակաս 64000 լյումեն, իսկ 400 Վտ լուսարձակի տեխնիկական բնութագրով՝ 350 հատ լուսադիոդներով, գունային ջերմաստիճանը 6500 Կելվին, ոչ պակաս 32000 լյումեն:

Հիմքեր

800 Վտ լուսարձակը 2 անգամ մեծ է 400 Վտ լուսարձակից, հետևաբար բնութագրերով սահմանված բոլոր չափանիշները պետք է լինել այդ համամասնությամբ: 800 Վտ և 400 Վտ լուսարձակների առավելագույն քաշեր սահմանված են նույն 10 կգ, այնինչ 800 Վտ ավելի հզոր է և ավելի տարողունակ:

800 Վտ լուսարձակի համար նախատեսված է օպտիկական բլոկ, այն պետք է բաղկացած լինի մեկ մատրիցայից, իսկ մատրիցան հավաքված պետք է լինի առնվազն 600 հատ լուսադիոդներից: Նույն կերպ սահմանված է 400Վտ լուսարձակի դեպքում, երբ օպտիկական բլոկը պետք է բաղկացած լինի մեկ մատրիցայի, իսկ այս դեպքում էլ մատրիցան հավաքված պետք է լինի 350 հատ լուսադիոդներից: Եթե 1 մատրիցան պետք է հավաքված լինի 350 հատ լուսադիոդներից, այդ դեպքում 600 հատ լուսադիոդների հավաքման համար մեկ մատրիցայով չի կարող լինել:

Արտաքին տեսքի կլորավուն լինելը և նշված չափերը ավելի շատ համապատասխանում են քառակուսի տեսք ունեցող լուսարձակներին:

Իսկ ուղղանկյունաձև կամ քառակուսի լուսարձակները ունեն մի շարք առավելություններ:

«Գնումների մասին» ՀՀ օրենքի 1-ին հոդվածի համաձայն. Սույն օրենքը կարգավորում է պատվիրատուների կողմից ապրանքներ, աշխատանքներ և ծառայություններ ձեռք բերելու գործընթացի հետ կապված հարաբերությունները.

սահմանում այդ հարաբերությունների կողմերի հիմնական իրավունքները և պարտականությունները:

Նույն օրենքի 3-րդ հոդվածի 2-րդ մասով սահմանվում է.

Գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

Օրենքի 7-րդ հոդվածով՝ Ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Ինչպես նաև 13-րդ հոդվածի համաձայն.

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող ապրանքի, աշխատանքի կամ ծառայության

որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել պայմանագրի առարկան:

ՀՀ կառավարության 04.05.2017 թ.-ի թիվ 526-Ն որոշմամբ հաստատված գնումների գործընթացի կազմակերպման կարգի /այսուհետ Կարգ/ 22-րդ կետի Գնման առարկայի բնութագրերը սահմանելիս պետք է հաշվի առնել, որ դրանք պետք է բավարարեն մեկից ավելի հնարավոր մասնակիցներ՝ բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքում:

Նույն կարգի 32-րդ կետի 1-ին ենթակետի գ) պարբերության համաձայն՝ ապրանքների գնման դեպքում իր կողմից առաջարկվող ապրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող ապրանքի ապրանքային նշանը, ֆիրմային անվանումը, մակնիշը և արտադրողի անվանումը (այսուհետ՝ ապրանքի ամբողջական նկարագիր):

Հաշվի առնելով վերը թվարկվածը, ինչպես նաև շուկայում կատարված ուսումնասիրությունները կարելի է փաստել, որ բնութագրերում կան թերություններ և մասնակիցների լիարժեք մասնակցության սահամնափակումներ, իսկ գնման ընթացակարգը իրականացվում է մրցակցային և թափանցիկ կանոնների խախտմամբ:

Կից ուղարկում եմ նաև կատարված ուսումնասիրության արդյունքում նմանօրինակ լրաարձակի տեխնիկական բնութագրեր:

Բողոքի պահանջը

Հիմք ընդունելով վերոգրյալը և ղեկավարվելով «Գնումների մասին» ՀՀ օրենքի 46-րդ և 50-րդ հոդվածներով.

Խնդրում եմ

Պարտավորեցնել Պատվիրատուին ԵՔԼ-ԳՀԱՊՁԲ-21/15 ծածկագրով գնման ընթացակարգի հրավերով ապրանքների ձեռքբերման համար սահմանված տեխնիկական բնութագրերում կատարել փոփոխություններ՝ մեծացնել 800 Վտ լուսարձակի քաշը և արտաքին չափերը, արտաքին տեսքի ձևը, մասնավորապես կլորավուն լինելու հիմնավորում և մատրիցաների ու լուսադիոտների քանակական սահմանափակումների վերացում:

Հարգանքով

«Կատյա Նազարեթյան» Ա/Ձ



21.05.2021թ.
